

山西調查記

齊耀琳題



叙

辛酉蘇省水災大吏命予襄辦振務得識勸募委員陳君祖濂敦厚幹練不同凡近出示所著山西調查記都十八章十萬餘言于晉省民風吏治軍政內務教育實業財政司法外交諸大端調查詳盡如指諸掌可謂勤矣晉民樸塞無巨紳政客之擾閭兼長治晉久以新學識整理舊俗操縱勸誘罔施不當成績卓著儼然樹各省之模範匪獨才德超越尋常亦所遇使然也是編臚列各政容有遷地未盡良者然並世留心民治之人手此一冊借作他山未始非爲吾民謀樂利之一助斯不負陳君調查之苦心矣壬戌仲夏三原王典章識于金陵

山西調查記序

吾友句容陳君希周歸自山西記其六政挾藁示余屬序其端余陋甚烏足以識治體然頗有欲言者矣時至今日人皆以爲不可爲動引朽木冀牆爲喻余以爲非也寒者利短褐飢者甘糟糠蓋有事半而功倍實未至而名歸者矣山西號稱能行新政余嘗一聞於沈君信卿一問於趙君竺垣得其來復報曰心者今又得陳君書合而讀之竊喜其獲我心也余嘗以鄙語策安曰三代不足法五洲不必談欲治其國先治其心人人不作賊不說謊不偷竊約法三章而已今觀山西所行不外六政而要其歸於洗心以得天之厚得地之宜得風氣之先如吾蘇者較之若剪髮若天足若蠶桑蘇之民固已皆優爲之且蚤爲之其有待於政令之督促者惟水利種樹禁烟三事耳財賦優於彼人才盛於彼當務之急簡且專於彼而朝令之表章與輪之歸美模範省模範省之名轉不在此而在彼竊非事之至奇者歟謂非由於心之

一洗一不洗殆不可通順心之洗亦何難哉一閩公領省於上其從而和之者誠歟僞歟其不相統屬者從歟違歟庶政皆清明歟選舉能無弊歟官民一心知行合歟雖不可知而行之數年不輟加勤反所規畫有數有時縱無必成之功要有必行之心識字之課治生之教及於民及於兵兵少而民安庚申戰役傳者或謂其有所祖中英鑛約學子或疑其有所私白圭之玷旋亦濯磨舍此而外未嘗聞其有增兵欠鑛動員與夫一切屬於兵之訊若無兵者未嘗聞其有罷課請願遊行與夫一切屬於學之潮若無學生者亦未嘗聞其有所謂優差美缺營謀調劑與夫一切屬於官之謗若無官者而尤難能者自閩督兼攝省篆勵精圖治以來政潮迭起天下囂然而山西通電幾於絕無嗚呼可以觀矣古不云乎人有不爲也而后可以有爲余雖未獲躬歷其境一一觀其設施而卽其所不爲以推其所爲固不待聞沈趙之言讀陳君之書而始知之始信之也昔歐陽子作五代史得全節之士三其初

無卓然之節而終有可取者十五皆武人因歎儒者以仁義忠信爲學享人之祿任人之國皆不顧其存亡以古例今民國十年來鉅人長德何可勝數而動而得其正者一人曰蔡將軍靜而得其正者一人曰閻督軍其令雖未著而好慕甚正醞釀已深其後可繼二公而起者亦皆武人豈如柳子言翹翹炳炳者果賢於煦煦徐徐者耶抑吾三章之約翹翹炳炳者一鼓作氣猶可以強而幾而煦煦徐徐者其心已死終格格不相入耶夫舉世競言分治疾首蹙額於武人而恆其道一其志不欺其心有補於國者轉於武人中偶見一二其諸言文治者能不羞歟

中華民國三十節梁溪張軼歐

擬陳希周山西調查記序

年三月

張 謇

周官之制去今二千年言之者等於歷史之論述未有能行之者清季言自治具其名而實未至民國迄今續而廢廢而復今且言省自治省憲省政盈編累牘要之聞其言而已山西居北五省中交通較不便厥田中中民俗堅朴十年以來閩督軍百川治之頗有績蓋其強毅堅果一意自治不與政局時勢相迴旋起伏故能久而一一而定也比聞山西教育之善曾令通師範生李生亦杭張生孝卿往考察焉歸述其級制章序之程有條不紊其他實業內治諸政均較各省完善而能實行知山西之大有爲也句容陳子祖濂比亦從事吾農校者以歸任地方事去三年矣頃來示其所爲山西調查記且請序展閱一過知閩督之言治而實行者視李張二生所言者又進矣其所爲治因時因地因人而措施焉無古無今無中無外治山西言山西而已所謂六大政者水利蠶桑種樹禁煙翦髮不纏足前三者盡地力後三者盡

人力地力不盡人之過人力不盡亦人之過卽已之過烏乎聞者知所爲治矣世有閭閻督之地之人者十數而不聞有是績者獨何歟本記所載內務教育實業軍政外交財政司法諸政令條教頗有合於古周官之治者陳子欲印行而公之世謂南通亦自治有聲於時顧其經營之力出於私人難易分焉意非南通不足以知山西也南通於國區區一村落耳竭蹶徑自營未嘗以小自棄此可爲陳子進一解人乃爲書之

山西調查記序

山西調查記一書句容陳君希周之所著也希周明德之後學者有淵源於新學尤有心得其赴晉也原爲調查義務教育之設施而旁及於晉之風俗行政組織六大政與軍政內務教育實業財政司法外交以及學校農工商場罔不悉心攷究編爲十八章附以條例綱舉目張燦然大備誠經世之寶筏行政之元龜也民國建設九年於茲矣而民政治卒未能實行者無他教育與實業均未發達故也教育不良則中國無人心實業不興則中國無民命憶昔管仲羈齊倉廩與禮義並重宣聖適衛於旣庶之後富教兼權王霸雖異而其爲根本之圖則一也希周有見及此而以目所親觀者著之於書以供當道之採擇謂非有志之士乎鳳臺綰符桑梓深愧碌碌無能然於教育實業兩大端時常博採周咨思有以啟迪人心保衛民命而實行民政治也適希周以山西調查記見賜而問序於予予固荒於學久矣公暇略加披

覽條分縷晰既無郢書燕說之訛不特有裨於晉政並使後之研究民治者皆知所取法焉是爲敘

民國九年十二月河南省長張鳳臺序於大梁官廨

山西調查記目錄

陳祖濂

卷上

名人序

緒言

第一章 由蘇至晉沿途之感觸

第二章 與閻兼省長之談話

第三章 讀山西官吏必要之覺悟之所得

第四章 山西省垣之形勢及風俗

第五章 山西之研究政治

第六章 山西省對於各縣之用人行政

第七章 山西特設促進各縣政治之機關

第八章 山西之六大政

第九章 山西各界政見之貫徹

第十章 山西之軍政

第十一章 山西之內務

第十二章 山西之教育

卷下

第十二章 山西之教育 第八章 讀世界與山西地理圖

第十三章 山西之實業

第十四章 山西之財政

第十五章 山西之司法

第十六章 山西之外文

第十七章 山西省垣之學校及農工商場

第十八章 結論

山西調查記

晉蘇相隔三千餘里由其疆域之廣狹人口之多寡出產之豐歉人民知識之繁簡社會組織之單複生活程度之高低生產力之盈虛與夫文明灌輸關於交通緩速之種種原因凡所設施亦因之而異晉處吾國西北爲京師屏蔽地勢高亢總面積一百二十九萬七千九百十四方里人口僅一千十六萬一千零零九人其間多山少川交通除正太路外皆不及吾蘇之便利土產物雖饒而運輸不靈因之生產率亦不及吾蘇之大所幸生活程度較之往日尙未增加故社會組織與人民知識頗形單純而灌輸新知亦視蘇省爲緩此地勢使然也觀以上種種情形知施行政治之方法適於蘇者未必適於晉適於晉者未必適於蘇固不必強爲一談也源之赴晉本爲調查義務教育之設施狀況迨見聞所及其政治無不具有創造的振作的精神而濂之心理上驟生有愉快之觀念於是於調查義務教育之餘於晉省風

俗行政組織與六政軍政內務教育實業財政司法外交以及其他之學校農工商場亦略有所調查。濂不善文詞，僅以目之所擊分類記之於左。名曰山西調查記。一名山西省政考，以貢獻於海內士君子，冀有所糾正焉。中華民國九年一月旬容希周陳祖濂謹識。

第一章 由蘇至晉沿途之感觸

蒙由浦口津浦車北行至皖之滁縣，以達蘇之銅山。滿目童山，森林極稀，其軌道左右地襟淮河，土質肥腴，不事墾作，棄利於地，甚可惜也。銅山以北經天津而達京都，其路線兩旁平原廣闊，間有習慣所植之楊柳等樹，所惜氣候旱亢，水利不修，故植冬作物者亦甚寥寥，是生產物既乏，其一季而人民經濟自形短絀矣。京都以西，甬甬抵良鄉，滿目栗林，收入甚豐。此吾國產栗有名之區，聞輸出於東鄰者年達數百萬金，果能加意栽植，亦未嘗非挽回國家經濟之一途也。由良鄉至正定，數百餘里，白河貫於中心，地勢平坦，尚有

局部林木冬作物之麥均爲條播條間雖密而發育尙形健茁其間人民往往有車井水以爲灌溉者農田耕作北人較南人爲勤亦由於氣候使然正定以西而達太原山路崎嶇平原極少其耕作地均依山勢築成梯田梯級之邊用石砌成頗形整潔而土質砂腴宜於種植惟榆次陽曲二縣之附近則地畧平坦冬期雖植麥放羊而夏期雖亦尙有植稻者自銅山以至陽曲路經五省而土地肥美冬耕精細冬作物之麥均爲條播將來條間果能改良距離適當則翌春植棉以增出產於生計不無裨益至於正太路左右之山完全爲水成岩所組成文理清密整潔令人見之不勝滄海桑田之慨且見有穴居之民焉據謂此類之山內產良煤富甲全球異日果能於山面加意造林其木材亦可甲全國云

第二章 與閻兼省長之談話

閻兼省長云余本軍人對於政治頗乏經驗惟吾輩處此時代非擴張教育

實業不足以挽回國力而吾國現在辦理教育往往不求實用甚爲危險總之施行教育宜先代學者籌出吃飯地步否則徒增游民耳敝署建築房屋時余調某校工科教習某至署督工伊於中語不甚熟諳其至指揮施工時頗感不便由此以觀某直一西國之工學者耳故余意於晉省中學校學生入學之初詢以是否升學如尙須升學則令遵照部章授課否則即令減少西文鐘點而授農工商實習之課而所須之農工商課教員則在各縣工匠中遴選得之以切於實用者爲主余又擬在晉省兩山之間建一大壩兩岸造林以蓄水灌溉并可減少直隸之水災繼因祖濂服務南通有年致詢種棉情形甚詳當卽略有所陳焉閻兼省長之一席談話足可爲今之辦教育而不能求舍短取長之實際者痛下一鍼砭也

第三章 讀山西官吏必要之覺悟之所得

山西省長爲勸勉僚屬振作吏治起見特編是書以爲訓最茲編綱目分爲

應犧牲者應掃除者應增添者應進行者四種其應犧牲者則爲舊觀念中之安富尊榮四字與舊知識中之消極的安民政治是也其應掃除者則爲嗜好虛偽懶惰敷衍與徼倖之心揣摩之風混事之見自滿之念等惡習是也其應增添者則爲責任心與新知識中適時之政治是也其應進行者則爲除弊興利是也窮觀以上四種不外使全晉刷除舊習創造新知而實行用民政治之實質陶冶民德啟發民智培養民財換言之卽注重人格普及教育振興實業是已然用民政治果能悉行無缺則國家富強自不難立足而待今將其用民政治大綱附錄於後



